

四庫全書

史部

欽定四庫全書

赤城志卷十八

宋 陳耆卿 撰

軍防門

國初惟三司卒稱禁兵其次惟三邊或有故升禁兵諸
州軍未之有也嘉祐後九大郡始置威果其後以廂兵
團併為額則置崇節以教閱別為額則置雄節元豐初
以雄節之類升同禁兵由是禁兵滿天下養之以天下
之力而猶憂其乏焉開叛之遠謀既不可不思而承襲

之近規又不能不守儻使嚴蒐閱謹招刺收一兵而得一兵之用則雖養之以天下之力而又何憂乎自牢城至鋪兵建置各有指今以新舊額附見

雄節第六指揮

營在州東北天慶觀前祖額五百人舊係教閱廂軍崇

節指揮熙寧六年改今指揮今管四百八十九人

內揀中三百二十七人不揀中一百六十二人闕

額二十一人

將校於額外置一十人排定陞轉階級將校一十人指揮使副指揮使各

一人都頭三人副都頭五人節級四十人十將將
虞候承局押官各一十人其請級準熙寧三年宣
下成邊則例揀中月白米一石五斗料錢四百八
十文春衣絹二疋折布錢一貫七百文冬衣絹二
疋紬半疋綿一十二兩折布錢八百五十
文不揀中料錢二百四十文餘依揀中法

威果第六十指揮

營在州東米倉前祖額四百人舊係威勝指揮宣和六
年改今指揮今管三百六十七人內揀中二百六

十八人不揀中九十九人闕額四十四人

將校於額外置

一十人排定陞轉階級將校一十人指揮使副指
揮使各一人節級四十人十將將虞候承局押官

各十人其請給準紹興舊則例揀中月白米一石
二斗料錢六百文春衣絹二疋紬半疋折布錢一
貫八百四十文冬衣絹二匹紬半匹綿一十二
兩折布錢一貫八百四十文不揀中料錢三百
文餘依
揀中法

宗節第三十一指揮

營在州東南靖越門內祖額五百人舊係第四十五四

十六指揮元豐六年以前兩指揮併作今指揮今

管三百八十三人

額外置節級四十一人軍頭一
人十將將虞候承局押官各一

十人排定陞轉階級本州帖補其請給準熙寧四
年行到兩浙路則例月糙米一石五斗春衣絹四

正折布錢一貫五十文冬衣絹二疋紬半疋綿一十二兩折布錢八百五十文

牢城第十三指揮

營在州東都米倉前祖額二百人元豐初所定今管二

百一十八人

額外置節級三十人十將將虞候承局押官各一十人排定合陞轉階級

本州帖補其請給準元豐二年指揮月糙米一石五斗春冬衣各絹一匹折布錢一貫二百五十文

壯城指揮

營在州東崇和門內祖額一百人熙寧初所定紹興元

年增五十人今管一百五十人

排定陞轉階級並本州帖補十將將

虞候承局押官各五人其請給照紹興府則例月
白米一石五斗春衣絹二疋折布錢一貫九十文
冬衣絹二疋紬半疋綿一十
二兩折布錢一貫七百文

剝員

營無定處亦無額今管五十一人紹熙四年勅諸路提
刑司每遇巡厯就同守臣將揀中不揀中禁兵并
廂兵通選一次其少壯及等者並充揀中禁兵反

是者充廂兵其年老禁兵願充剝員者聽

其請給
月白米

一石二斗春冬衣各絹二
疋折布錢八百五十文

諸縣弓兵

臨海

營在縣東北四里尉廳東

其請給月雇錢四貫四百一十八文

祖額八十人

今九十五人

黃巖

營在縣西四十九步尉廳西

祖額九十五人

今九十五人

天台

營在縣東一十步

祖額五十人

今五十七人

僊居

營在縣東北八十步尉廳東

祖額五十人

今五十七人

寧海

營無

祖額五十人

今七十人

諸縣寨兵

臨海

管界寨在縣東南七十里

嘉定十五年齊守碩及臣寮奏言管界亭場兩寨皆防托

海道亭場既處海門之北而管界乃入裏港之中甚亡謂也乞以管界徙海門南與亭場對峙有旨依今本州下縣體量於上馬巖改建焉其請給月白米一石五斗春衣絹二疋折布錢一貫七百文冬衣絹二匹有半紬半匹綿一十五兩折布錢八百五十文料錢三百文

舊額一百八十四人

今一百二十八人

亭場寨在縣東南一百二十里

其請給月米春冬衣同管界料錢二百四十文

舊額一百七十七人

今一百一十二人

吳都寨在縣東一百五十里

其請給月米春冬衣同管界料錢同亭場

舊額一百六十九人

今一百四人

黃巖

松門寨在縣東南一百二十里

其請給月米春冬衣料錢並同管界

舊額二百三十七人

今一百二十四人

僊居

白塔寨在縣西三十五里

嘉定十五年齊守碩及臣寮奏言曩以宣和呂冠嘯聚於

此因而置寨今承平日久已為聚落而縣有蒼嶺當衢處婺三州崗阜深阻行者窮日而後度人煙迴絕寇攘所憑徙彼而就此為便有旨依今本州下縣體量於蒼嶺下戴村改建焉其請給月米春冬衣同管界料錢同亭場

舊額八十人

今四十人

寧海

臨門寨在縣東海頭二百里

其請給月米春冬衣料錢並同管界

舊額二百三十三人

今一百四十人

諸縣鋪兵

其請給月糴米一石五斗春衣絹二匹折布錢一貫五十文冬衣絹二匹

紬半匹綿一十二兩折布錢八百五十文

臨海

崇和鋪在縣東二里

舊額一十人

今一十人

白石鋪在縣東北二十里

舊額五人

今如之

橫溪鋪在縣東五十里

舊額五人

今四人

城西鋪在縣西二里

舊額一十人

今八人

八疊鋪在縣西二十五里

舊額七人

今五人

小石鋪在縣西北四十里

舊額七人

今五人

百步鋪在縣西北六十里

舊額七人

今四人

新城鋪在縣東南二十五里

舊額五人

今如之

小嶺鋪在縣西二十五里

舊額六人

今如之

黃巖

成浦鋪在縣北一十里

舊額六人

今如之

店頭鋪在縣南一十五里

舊額五人

今如之

魚沉鋪在縣東南二十五里

舊額四人

今如之

白峯鋪在縣東南五十里

舊額四人

今如之

天台

花桃鋪在縣東二十五里

舊額七人

今四人

二里鋪在縣西二里

舊額七人

今五人

小田鋪在縣西二十五里

舊額七人

今五人

關嶺鋪在縣西五十里

舊額七人

今五人

僊居

縣東鋪在縣東二里

舊額五人

今如之

夾嶺鋪在縣東南二十五里

舊額六人

今如之

白塔鋪在縣西二十五里

舊額四人

今如之

呂前鋪在縣西五十里

舊額三人

今如之

鎮頭鋪在縣西七十五里

舊額三人

今如之

蒼嶺鋪在縣西一百里

舊額四人

今如之

寧海

縣東鋪在縣東二里

舊額五人

今三人

水遞鋪在縣東二十五里

舊額三人

今二人

嶺上鋪在縣西南二十五里

舊額四人

今二人

嶺下鋪在縣西南五十里

舊額四人

今二人

縣渚鋪在縣西南七十五里

舊額四人

今一人

寧和鋪在縣西南一百五十里

舊額四人

今三人

梅林鋪在縣北二十五里

舊額四人

今如之

海口鋪在縣北五十里

舊額四人

今如之

赤城志卷十八

欽定四庫全書

史部

赤城志卷

十九至
二十二

詳校官監察御史

臣沈孫璉

檢討

臣

德生

覆勘

總校官檢討

臣

何思鈞

校對官監丞

臣

張曾效

謄錄監生

臣

甯汝櫺

欽定四庫全書

赤城志卷十九

宋 陳耆卿 撰

山水門一

山

台以山名州自孫綽一賦光價殆十倍今以其所登載
質之見聞秀槩神標炳炳如星日非若野史浪記談河
說海誣誕而不經也按道書洞天福地於是邦為盛夫
神僊之事雖聖賢所不齒然必有靈區異境而後宅焉

故州於東南無慮百數而台山之詭異巉絕獨稱雄於世閭闔之間家面恰幘亦他邦所無也夫豈以其巉然之阜卷然之石能使人鋪說而誦詠哉隱几澄思必先得諸其山之外者矣

州

大固山一名龍顧山在州西北三百步高八十丈周回五里按舊經晉隆安末孫恩為寇刺史辛景於此鑿塹守之恩不能犯遂以大固小固名山壁記序

云隋平陳併臨海鎮於大固山以千人護其城則得名舊矣而道史囑辭乃云茅盈得道於臨海鎮東龍顧山駕鶴上昇又紹興十年道士費德泓卓庵北山斷地得晉永和九年斷碑亦有龍顧山字盖本名大固後又為龍顧焉山勢逶迤抱州治如屏障自州治後而北則曰北山自北山稍東接白雲寺後則曰白雲山其實一山也

小固山在州東南二里與大固山相望高七十丈周回

四里

詳見大固山

巾子山在州東南一里一百步連小固山兩峰如恰幘
一號恰幘峰其頂雙塔差肩屹立有明慶塔院
之南有翠微閣北有廣軒軒下瞰閨閣南眺郊
藪廛市山川之盛一目俱盡故其勝槩名天下登
臨者必之焉又有曲肱齋齋側有礙雲軒又其巔

有息庵元祐中僧願鴻所棲今廢

仕翻宿恰幘精舍詩云絕頂新

秋生夜涼鶴飛松露滴衣裳前村月照半江水僧
在翠微閣竹房 錢守昱題云數級崔嵬萬木中

最堪影勢是難同
閑千夜壓江心月
鈴鐸秋搖藏
頂風重疊盡
欄遮世界稀
疎清碧徹
虛空有時問
著禪僧路笑
指丹青去不窮
章守得象題云
步步雲梯徹
上層回頭自覺
欲飛騰頻來不
是塵中
客久住偏宜物
外僧下寺鐘聲
沉地底前峯塔
影落堦稜凭欄
未盡吟詩興却
擬乘閒更一登
孔
淘題云古寺尋
清賞梯雲出薜
蘿舉頭知日近
極目得天多
別嶂千屏列長
江一帶過常聞
居淨境
况此復如何
舒亶登山懷道
人詩云不見風
流李謫僊彩牋
誰繼碧雲篇黃
花零落芙蓉老
惟有青山似去
年何執中廣莫
軒詩云曲檻小
欄干
登臨咫尺間
望隨流水遠高
共白雲閑亭栢
僧歸
路江風客度灣
覺來生羽翼疑
是夢中還陸長
倩詩云凌虛雲
蹬陟崔嵬軒檻
仍從絕頂開邑
屋
萬家迷向背江
流三面自潏洄
金山每恨波濤
阻
星石魯登培塿
來為是會稽東
部郡不教更號
小

蓬萊 葛守閏詩云勝地藏東越巖城聳二岑萬
燈迎日早孤磬出雲深雪霽茗初試雨涵山半陰
茲馬即方廣有路到天心 胡宗哲詩云昔人亭
榭久荒殘今復高軒峙翠巒眺望可周千里景晏
遊非止有時歡樓臺遠近看如畫日月高低轉似
丸最好使君登覽罷夕陽羣騎簇雕鞍 劉握詩
云天邊登覽處彫檻俯層岑山到三吳盡江連百
粵深柳煙含晚色花雨伴春陰 騷雅知多助清虛
在賞心 陳知柔題云司馬胸中著雲夢杜陵眠
底蓋乾坤 吾衰不復論茲事飽看孤帆落遠村

臨海

蓋竹山在縣南三十里按輿地志一名竹葉山中有洞
名長耀寶光之天周回八十里洞淵集所謂第十

九洞天也雲笈七籤云僊人商丘子治之道藏洞天記及名山記皆云蓋竹山福地觀壇各一所有竹如蓋故以為名抱朴子云此山可合神丹有僊翁茶園舊傳葛元植茗於此又有禮斗壇石窓石几石床石臼石硯塵外記云中有石井橋北小道直入有杉六叢左右有石室晉許邁嘗居之舊傳漢末有陳仲林等四人入此山得道真靈區也

或云

紹興間有二女郎出入洞中一老嫗家其側疑以為魅穢其處遂不復見又有丹鳳樓

香爐天門二峰詭異竦特為遊覽之勝

唐守仲友詩云藍輿

東出初雨收衆山卷霧奔蒼虬
去年見種今有秋農家惋大郎
快活使君不去能無羞春光欲盡
誰挽留千林蕤蕤新綠柔桐花遠
近澹無色自開自落那關愁洞天
為我暫時晴色使我蠟屐窮冥搜
天門發秀萬馬下水口離立羣峰
稠瀑泉對面瀉絕壁竇劍却倚丹
鳳樓溪聲噴薄雷震動石色古怪
神剏鏤洞門豁豁風颭颭香爐峯
下蛇龍湫中岑特秀小為貴左右
旌節森戈矛幾年秘奧一日睹談
笑指示居知不精慮但欲占勝處
專事棟宇非良謀飛廊跨水納佳
氣突元殿堂居上頭軒窓高下有
奇致洗滌肺腑明雙眸我將於此
棲羽流鳳笙鶴駕應來遊丹成一
舉凌九州下視濁世如浮漚靈祠
歎謁路阻脩層巖傾側遠且幽經
營輪奐亦未就揮金爾助何須求
晚雲

漠漠鳴雨鴝僕痛泥滑我欲休虹橋列炬趣歸騎
城鼓已報初更籌追攀別乘聊復爾乘興何如王
子猷習池不為倒載去
兒童不用拍手攔街謳

白鶴山在縣東南二十里上有展旗峰洗腸潭又有劍

崖舊傳趙炳留劍痕於此按寰宇記山上有湖中

多盤石前有石槌石鼓鼓鳴則兵亂昔有白鶴飛

入會稽雷門鼓中擊之聲震洛陽故以為名又臨

海記云山上有池泉垂溜遠望如倒掛白鶴之狀

故有泉名挂鶴又郡國志云漢末有徐公於此山

成道控鶴騰空而去故有鶴掛嶺焉三說不同未詳就是

真隱山在縣西南四十里按寰宇記高一萬六千丈周回三百里與僊居韋羗山相接本名括蒼又名天鼻唐天寶中改今名又按道書云括蒼山在會稽山東南五嶽圖序云括蒼山東嶽之佐神僊傳云王方平居崑崙往來羅浮括蒼山石壁上有科斗字高不可識宋元嘉中遣名畫圖於團扇焉

龍符山在縣東一百七十一里海中本名覆釜按輿地志云章安縣東五十里海際有覆釜山臨海記及寰宇記云東海有山形似覆釜吳越春秋云吾得覆釜書除天下之災而劉世軌記云夏帝登此山得龍符之瑞唐天寶六年遂改今名山有巨跡相傳夸父逐日所踐云

臨海山在縣東北二百四十里接海本牛頭山以有石似之故名唐天寶六年改今名山下有二溪一始

豐一東女至州北合流云

秀麗山在縣東二百里海中舊名芙蓉臨海記云州東北七十里海中有芙蓉山僧智顗傳云出海望芙蓉山竦若紅蓮之始開蓋指此也山上有石龕方圓二丈巉巖如斷唐天寶六年改今名

東掖山在縣東北四十五里以其處天台左掖故名上

有隔塵亭

石象之題云山椒亭榭適徘徊病膜煩襟斗頓開若有塵埃何處隔此中自是

少塵埃

樓石山在縣南六十二里西北帶江仰望如樓狀按謝靈運

遊山志云樓石山多支子又僧懷玉記有大小樓石山土人云內者為小外者為大

石新婦山在縣東南七十里東瀕江按臨海記云山土

石紺色如人狀寰宇記云在縣東一百一里旁有

奇石如婦人悉紺色宋文帝亦嘗遣畫工圖於白

團扇焉

左緯詩云煙蘿為髻霧為巾獨立江邊經幾春無故被人呼作婦不知誰是畫眉人

岐山在縣東南六十里黃巖方山戴氏贊杜氏居於此

故俗呼杜岐山

按臨海記舊有謝詩杜岐一穴占三鉤聳筆金門玉戶新

石鼓山在縣東一百五里按臨海記云黃石村有石鼓

山山上有石似鼓兵革興則鳴舊有柵城唐貞觀

初刺史李元奏置起州兵二千人護之僧灌頂嘗

避地於此

陳侍郎公輔詩云有山名石鼓千古鎮南溟大手不勞力動時天下驚

兵山在縣東一百里唐末有兵遁於此故名

玉峴山在縣東一百七里本黃石山今縣東南地名黃

礁一名黃石輿相傳黃石公居此有石碁盤尚存

唐天寶六年更今名中有石澗可容數百人四面

多林木臨海記云黃石山洩水九層沿崖如白練
舊經云昔有僧入其穴三日而回言其中多水有
伏翼大如鵝

上足山在縣西南一十一里一名戲龍西接真隱山南
連永嘉西南連括蒼有石井龍湫巖上有瀑布高
十餘丈歲旱必禱焉

湖山在縣北四十里按臨海記其上夷坦可坐數百人
俯視江海邑屋爛然在目俗以重九日多登焉

白鵠山在縣西北六十里以其水傾注遙望如倒掛白鵠故名按臨海記云中有深湖魚大如二百斛舟修可二丈疑其誕也

金鰲山

一作鵝

在縣東南一百二十里東有一小洞昔有人夜艤舟於此一物起波間光采注射迫視乃一

巨鰲金色故以為名

詳見善濟院

赤山在縣東南一百三十里絕頂有古塔塔之下有石函盛小銅塔銅塔之內有銀壺盛舍利俗傳梁王

答所施

白山在縣東南二百五十里按臨海記郡東南有白山望之如雪其上有湖舊傳金鵝於此集焉下有溪其水金色

合旗山在縣東一百三十里舊傳僧灌頂居攝靜寺會有海寇至頂講經自若寇見旌旗耀日有神皆丈餘懼而遁故以名山

東刊山在縣東九十一里一名天柱東南接黃石山按

臨海記山極高遠蓋禹隨山刊木因以為名晉任
旭葬焉

望海尖山在縣東北四里後嶺上其峰高聳宜遠眺今
土人多以為田麥時翠浪翻浮竄為可愛

日山在縣西五里以其面東朝日視諸峰獨高故名
牛極山在縣西北一十里以牧牛路至此極故名上有
平波數畝可遠眺

白巖山在縣西一十二里舊名白馬唐天寶六年改今

名

古塘門山在縣南二十里兩峯對峙中空十餘丈舊傳

海門在焉

新羅山在縣西三十里與八疊嶺相望鳥道巔岼多野

果土人利之

許孝山在縣北四十五里舊傳有許其姓者居喪至孝每一慟則羣鳥悲鳴故以名山

山遮呀在縣西北五十里以鴻山嵯呀如齒並列故名

燈壇山在縣西南六十里北達括蒼舊經云上為石壇
每陰雨則有光如燈故名

宜山在縣西六十里其巔平行良疇可十頃上有潭瀑
沾溉水旱不能災

童峙山在縣東七十里按僧遵式安仁院記作峒峙字
鴻鶴山有二一在縣西七十里一在縣西北六十五里
龜潭山在縣東七十里舊傳下有石龜戴之故名

九盤山在縣東南七十五里以其路縈迴九轉故名絕

頂可眺大海有小寺亦以山名

閭丘山在縣東北八十里昔有逸民閭丘氏居此故名
亭山在縣南一百里其地有寨由郡泛舟入黃巖者多
候潮於此

翠環山在縣東南一百三十里峰巒回合有若環翠故
名

高相山在縣東北一百三十五里一穴無際按會稽圖
云與海通

宴室山在縣東一百五十里按臨海記有越王望海館
下有湖多金鵝飛魚

高麗頭山在縣東南二百八十里自此山下分路入高
麗國其峯突出宛如人首故名

常風山在縣西五十里以其穴常有風故名
碧雲山在縣西五十里面常風山

帽尖山在縣西七十里以其形如帽而銳故名

牛頭山在縣東二百八十里東北連寧海

碧潭山在縣西北一十三里俗呼壽安山

鳴鶴山在縣西二十里

西岑山在縣東南六十里

寒石山在縣西北七十里

斗方山在縣西八十里

三石山在縣東一百二十里

白楓山在縣東南一百二十五里

海門山在縣東南一百二十六里瀕海

堀門山在縣東一百五十里海中按郡國志作堀門輿

地志云山腹穹窿一穴透頂其中有聲則風起水

湧且主兵吳時已如此

大雄山在縣東二百一十一里海中

舊傳晉僧懷玉嘗伐木於此值風與

浪合有光如練導至湧泉寺

熨頭扣山在縣東北二百一十一里海中西有嶼民多

居焉

石竈山在縣東南七十里海中以有石若竈然故名

鵝鼻山在縣東一百五十里海中以其狀如鵝鼻吸水故名下有海塗捺為田

輕盈山在縣東南一百六十里海中上有滬業者居焉石佛山在縣東南一百七十里海中以其狀如佛故名蛟巉山在縣東南一百八十里海中上多支子且有田及民廬

蒼郭山在縣東北二百一十一里海中以其西有蒼郭村故名

小門山大門山在縣東南一百里海中

壽昌山在縣東一百五十里海中

蒲門山在縣東南一百五十七里海中

東麕山在縣東一百五十七里海中

西麕山在縣東一百六十二里海中

主山在縣東南一百七十里海中上多民居

鹿頭山在縣東南一百八十里海中

虎頭山在縣東北二百六里海中

澤青山在縣東南二百一十九里海中

檉澳山在縣東北二百八十里海中

伯達山在縣東北二百八十里海中

嶼山在縣東北二百八十里海中

澤山在縣東北二百八十里海中

雲峰有二上峰在縣西南五里下峰在縣西南一十九

里

三峰在縣東一十五里或云三峰旁有嶺亦以是名

中峯在縣東六十九里按安仁院記有東接中嶽之語
惠峰在縣南二十里

靈峰在縣東南五十里

雙巖在縣南一十五里峭峻並峙為江南諸山之冠州
治對焉

石船巖在縣西一里城山嶺以其若船狀故名中有小
穴舊傳白鷹常棲其上

百丈巖在縣東北三里法安院側上有龍湫雨驟則雙

瀑交垂如玉簾之狀章守得象詩所謂千尋練掛
雙流瀑是也

伎石巖在縣南一十里巖尖有巨石橫其上著巖僅尺
許衆舉之莫能動

聖巖在縣南二十里錢柱山號險絕舊傳有神躍馬於
此故名至今有馬蹄痕又名馬蹄巖

白巖在縣南二十四里孤絕秀異林木鱗次以其皆白
石故名上有龍湫水如白練云

象鼻巖在縣西三十五里以其狀似之故名下枕深潭
雲巖在縣東四十五里以白雲常蔽其上故名

獅子巖在縣東五十里下里塽口呀然欲躍兩足垂前
狀如獅子踞地故名

猪頭巖在縣西十里

松巖在縣西南一十五里

羅漢巖在縣西二十五里

石龜巖在縣東南三十五里

白馬隱身巖在縣東三十五里

寶藏巖在縣西四十五里

桐巖在縣東五十里接寧海

禪師巖在縣西五十五里

烏巖在縣東七十里

僊巖在縣東一百二十里

彭公嶼在縣東一十里

古謠云彭公嶼沙漲出宰相破石湖水穿出狀元破石湖在縣

西日山比年沙漲謝錢二公果相繼入相今湖水亦漸穿矣

樊續嶼在縣東南七里

見臨海記詳見冢墓門

新羅嶼在縣東南三十里昔有新羅賈人艤舟於此故

名

騰嶼在縣東北六十里南有溪清泚出巨蟹焉

龜嶼在縣東一十五里

巖嶼在縣東一百二十里

獨嶼在縣東南一百三十五里

竹嶼在縣東一百四十六里海中

馬嶼在縣東一百七十里

城山嶺在縣西南三里以築城其上故名

馬嶺在縣南五里舊傳有馬氏者鑿山為之故名

石姥嶺在縣西北三十里石有神靈人祭之以祈田蚕
凡經從者亦拜焉

新嶺在縣南三十五里入自大左嶼至嶺脊分臨海黃
巖界凡三上三下云

後嶺在縣北四里

蔡嶺在縣東八里

平嶺在縣南一十里

護郭嶺在縣西南一十里

開浦嶺在縣西十七里

八疊嶺在縣西二十三里

長石嶺在縣南二十五里

小嶺在縣西二十五里

大嶺在縣西三十里

朱沙嶺在縣東三十里

枊嶺在縣南三十里

孝慕嶺在縣南三十里

磨石嶺在縣西三十五里

大左嶺在縣南四十里

七孺嶺在縣西四十里

詳見鄉里門

小石嶺在縣西四十七里

五謹嶺在縣西北五十里下乃大石嶼云

常風嶺在縣西五十里

長田嶺在縣南五十里

象坎嶺在縣西五十五里

天門嶺在縣西六十里

狼坑嶺在縣東六十里

寧和嶺在縣東六十里

童時嶺在縣東九十里

龍塢嶺在縣東南九十里

金溪嶺在縣東北九十里

二嶺在縣東南一百五十里

城門嶺在縣東南一百五十里

芙蓉洞一名石鼓洞在縣東一百四十里隆恩寺後洞

有二形如石鼓大小相連大可方三丈小僅三之

二俗傳多怪物其西相距三四里有巨石高十數

丈屹立山巔號石柱下亦有石室方二丈玲瓏上

通俗呼為穿巖云

太平巖洞在縣西三十五里因鄉得名異峯豁舒上常有雲氣其旁林木蔽映泉瀑飛垂有石室石枕石床石杵之類

常風洞在縣西四十里中極幽邃舊有石闌護之宣和中亦嘗駐兵於此

招賢洞在縣西六十里因寺得名宣和寇難朝廷遣將鋤擊以其地險據而守焉

平巖洞在縣東八十里舊傳仙人所棲有石門石窓石

井石床鼎竈之類

金仙洞在縣東一百五十里以其下有寺曰金仙故名
一又名雉溪洞僻絕縈遠蓋瞿曇之所家云

闕

洞在縣東一百七十里口僅六尺深不可入每亭
戶煎煮土人採捕皆聚其旁焉其下則海塗

金鷄石在皇華亭下瀕江根有兩足巨潮衝突不動即
皇華真人上昇處石間有泓水極清與報恩寺前
龍井通昔有人浮梗井中自石而出

飛霞石在蓋竹山舊傳仙人上昇於此石累三層牧孺
戲其上以手轉之不墜

疊石在縣南九里高下羅生如甃疊然

蝦蟇石在縣東南五十里江側

石塘在縣西三十五里蓋一巖穴狀如塘故名其上山

泉飛注於此

石柱在縣東三十里上沙

石倉在縣東三十六渡之第四渡

石牛在縣東四十里下管洋

赤城志卷十九

欽定四庫全書

赤城志卷二十

宋 陳耆卿 撰

山水門二

山

黃巖

委羽山在縣南五里俗號俱依山東北有洞世傳仙人
劉奉林於此控鶴輕舉嘗墜翮焉故以為名按登
真隱訣真誥皆云委羽山天下第二洞號大有空

明之天又十大洞記委羽山大有空明洞在黃巖

縣南數里即大有真人之所治焉

一云青童
君主之

又雲

笈七籤載司馬季主携其子女隱茲山鮑叔陽段

季正亦於此得解化之道則其為仙窟舊矣地所

產石無大小百碎皆方正有稜以煮湯可愈疾其

前有道院

上蔡謝伋記云台州黃巖縣西五里有
山岡阜連屬草木茂密其洞曰委羽父

老相傳數十年前常有青衣童子戲洞口居人以
滓穢洞之童忽因不見紹興中有石城使君李侯
端民令茲邑暇日勸課農桑至其處始擇道士董
大方主之稍給香火瓜華之用大方以符水治疾

病輒即愈邑人重之以是二十年間堂殿門廡高明靚淨庫廚福浴具體而有始變荆榛為勝地按大洞記甌粵之間大海之涯地產方石真人劉奉林所居也奉林嵩高逸士避周李世棲焉控鶴輕舉墜一大翩人名其山曰委羽伋寓居三童山鐘鼓相聞嘗一再至及守縉雲大方遺書求文記其事復曰我本山林人主郡非其好也盍俟歸及使浙右又以書來曰公又渡浙而西矣歸其寧可以日月翼哉且弘農寓公重道相悅欲成茲事許列街石上矣敢固以請乃序而為之銘銘曰昔有仙人卯金刀鷄犬同升記阡陌九臯聲聞至今存上天下天曾委翩仙人一去幾千載閱世真同駒過隙長官好事經李侯大洞主人親推擇穹隆堂殿復一新照映林巒非夙昔寓公耆德上清都豈有他楊畢茲石碧落侍郎寧復來葉令飛鳧塵幾隔太一青藜倘可尋去共研硃點周易

杜元庭詩云宵然靈岫五雲深落翮標名振古今
芝朮迎風香馥馥松桎蔽日影森森從師只擬尋
司馬訪道終期謁奉林欲問空明奇勝處地藏方
石恰如金左緯詩云委羽不知何處是倩人扶
上木蘭橈欲尋去路花梢密爭認行雲酒浪搖流
水忽如山脚轉洞天疑把杖頭挑逡巡不覺東風
晚始有仙人弄玉簫王十朋詩云龜山軟翠日
開屏羽客逍遙此閉扃早起留雲閑放鶴夜來伴
月靜看經巖前方石有多好龜裏丹砂且是靈應
有赤城鸞鳳過一聲長嘯入青冥

王城山在縣南七十五里石累疊如城本名方城山王

羲之遊西郡記云臨海南界有方城山絕巘壁立

越王失國嘗保此山天寶六年改今名俗又呼方

巖中有漁翁巖石柱峯仙人濯足灘鷄母石石棊盤平霞嶂露臺石仙棺巖牛脊隴水簾谷至平曠處可百餘畝有力者墾之號仙人田

五龍山在縣東南一百里東連大閭山臨海記云五龍山脊有石聳立大可百圍上有叢木如婦人危坐俗號消夫人父老云昔人漁於海濱不返其妻携七子登此山望焉感而成石下有石人七軀蓋其子也今人或曰石夫人山或曰消山蓋石夫人在

其巔消山在其足其實一山爾又按輿地志消山
南下有消夫人窰宇記臨海縣消山北湖陰蕭御
史廟有石孤聳如婦人狀則御史廟與石夫人不
遠矣然則二書謂消山消湖而今或謂蕭山蕭湖
不亦誤歟

黃巖山在縣西一百二十里一名仙石山有路可通郡
今廢按臨海記山上有石驛三面壁立俗傳仙人
王方平居焉號王公客堂南有石步廊又云山頂

有黃石故名

東鎮山在縣東二百四十里臨海記云洋山東百里有東鎮大山去岸二百七十里生昆布海藻甲香礬等物又有金漆木用塗器物與黃金不殊永昌元年州司馬孟詵以聞中有四塽極嶮峻山上望海中突出一石舟之往高麗者必視以為準焉

永寧山在縣東五里舊志云因古縣而名巖壁峻峙四望皆方正故俗號方山舊傳僧懷玉於此飛錫落

臨海任氏家山下有亭夾岸梅花相續十餘里不絕

三童山在縣西南一十七里舊志云山有三峯各高十餘丈遠望似童子香積寺記云昔有三童子出沒其側迹之皆化為石故以名山按寰宇記云山在臨海今實黃巖也

靈石山在縣西五十里與烏巖接以甘露降名甘露山按臨海記云山上有寺當孫恩叛毀木為船石從

空自墜賊以傷去故號靈石或云此石自西北飛至故名

三峯山在縣西六十里初至下峯則兩山夾一水而入其勝處號雲莊風磴俗傳仙人奕碁其上至今苔蘚不侵次至中峯二里許兩石蹲踞號石門其前巨溪洶激中石柱屹立人謂有龍蟠焉紹興間一夕大風雨龍見石忽摧折今所餘猶數十尋又四里即上峯有洞空闊尤勝大率三峯之勢高下皆

可觀而田疇實少居人以造楮為業云

岱石山在縣西南一十七里西北角有巨石挺立類人形俗呼為石大人又有一石橫前如櫃號石櫃山今其村號石櫃村又號岱石村

鷄籠山在縣南二十五里俗傳星月晦冥則光起燭天一日天陰忽晶采晝見視之則金寶滿山人往取之輒皆滅沒故老呼為許公藏

丹崖山在縣南四十五里崖石俱赤有金銀星焉世傳

仙人煉丹於此故名有池深可尺餘羣鳥浴其上
俗名老鴉井或又曰煉丹井

屏山在縣南八十里其東西二石聳立如屏故名東屏
挺立無倚有古藤纏絡之冬寒不凋西屏因風雨
仆為二矣

盤山在縣西南四十里

王詹事十朋詩云一嶺迢迢十里賒行人半日踏烟霞盤山遮

莫盤千匝歸夢
何曾不到家

烏巖山在縣西四十里以中多烏石故名相傳其巔有

廟云

鳴山在縣西二十里旁有龍湫每遇旱致禱必聞飄風驟雨之聲

白塔山在縣南四十五里舊傳上有石塔遇晦則晶采旁燭土人恠而撤之

利墟山在縣西北五十里其水出利墟浦南入永寧江

阻浪山在縣東南五十里其陰距海浪起時藉以為阻

故名

夏烏山在縣西六十里按舊經山之神名烏人至此稱

烏字輒為蛇虺所啗舊有龍湫在山要

于浦鎮巖山在縣東南六十里中多奇怪有大石壁高

廣四丈顏真卿姓名刻焉

浮山在縣西六十里特起田間四無聯屬俗傳一夕風

雨浮至故名

樓山在縣南六十里以其巔岩石突起狀如樓閣故名

樓崎山在縣南七十里極雄峙海舶視為向背下有石
米通明如雪相傳有異人嘗飲啄焉

龜巖山在縣東南七十里以其巔有石如龜故名下有
井泉常白色

獅子山在縣東南八十里上有石庵方廣五丈高六丈
五尺修鍊者嘗居之旁有道士巖

葉茶寮山在縣南八十里昔有隱者于履居之號藥林
嘗開山得楮矢焉

紫高山在縣南八十里土膏泉冽中產茶甚奇

嶠嶺山在縣南九十里俗稱溫嶺有東西兩峯東大西

小故有大小嶺之名嶺與樂清分界

西山在縣南九十里舊名西原與嶠山相望世傳仙人

煉丹之地絕頂有池尚存

訪趙公戴詩云西原仙境即西山流水桃花隔

世間自笑重來湖海客紅塵惹到白雲關

松門山在縣東南一百三十里按王羲之遊西郡記云

永寧縣界海中有松門島嶼上皆生松故名

龍鳴山在縣南一百二十里上有龍湫舊傳龍鳴其上

故名

積穀山在縣東南二百五十里上銳下闊如積穀場圃
狀故名或云則穀者誤

塵山在縣西南三百里以山多塵鹽故名永寧江源出
於此

馬鞍山在縣東北五里以其勢奔迸脊如馬鞍故名

鷄鳴山在縣南六十里舊傳有天鷄鳴其上故名

金山在縣南七十里上銳下闊宛若金字

王侍郎居安築堂面之號

金山堂

畔

關

山在縣東南七十里形如跌坐又名披雲山

虛涵山在縣西南七十里一云牛極

關

門山在縣北五里中有將軍巖甚鉅

淨土山在縣東北一十五里東接臨海杜皮山

大仁山在縣東北一十五里

關

關

山在縣東南二百里

關

有石如松狀

關

關

中則沒舟行必避之世傳為如來出世上

關

鎮一港云

盤馬山在縣東南九十里海中以其形四斷盤旋如馬故名

賞頭山在縣東南一百二十里海中下有石闊尋丈實而得泉居人皆汲之

悟空山在縣東南三百里海中以悟空寺在焉故名

巖頭山在縣東七十里海中

壽門山在縣東南一百二十里海中

赤礁山在縣東南二百里海中

飯悶山在縣東南三百里海中

九峯山在縣東南三里中有庵焉庵前九峯環立下至

溪則無所見人指之為勝地今庵不存

左緯詩云
入山須判

宿不宿謾區區泉脉尋還有蘭香嗅却無杉高
方見直石恠不成麓若到三潭頂歸時路更迂

白峯在縣東南三十五里

靈巖在縣北一十里又名鷺峯後有飛瀑垂崖而下石根插水渚為一潭樵人續藤繫石測之無極慶元四年令常濬孫亭其上曰擘翠又一石洞在嶽歛

間號天風門又名小空明

左緯詩有恠巖摩足力空谷答人聲之句

松巖在縣西一十五里沿崖而上凡七里始登石梯梯數百級勁直如削名曰古仙百步街其上平廣陰以古松下有碧潭龍出沒能為雲雨東南一土庵特異有石棋盤仙人跡焉巖上又有剪刀痕或云

王仙姑輕舉之地

蛇首巖在縣西六十里舊有石刻蛇首巖三字故名

求仲

弓詩云石如蛇首隱林端未得風雷且蟄
蟠俗眼莫嫌無變化待生頭角始堪觀

子晉巖在縣西北六十里平夷可宴坐俗傳王喬嘗吹
簫於此故名

戴公巖在縣東南七十五里上有窠石池水極甘列舊
以戴氏居之故名

鼓巖在縣東南七十五里兩石相縈高廣可三尺伐之

如鼓聲故名

百丈巖在縣南八十里明覺院側險不可躋惟傍院而登則其平如掌上有石峯聳立望之凜人毛骨焉應聲巖在縣南八十里葉茶寮山側下有石屋可容數十人或笑語則谷聲響答一名響巖

獅子巖在縣南九十里與王城山對以其狀類獅子故名

觀音巖在縣極東下瞰海有穴可坐數十人其中以中常

有光明故名

鷺嶼在縣南五十里以山形如鷺故名上有金鷄坑
夾嶼在縣南六十里兩山夾峙僅容河流旁有二小山
相對如眉名夾嶼門

小嶼在縣東南七十里面南其東當十之二絕無林木
遇夜有赤光焉俗傳寶所藏也

撮嶼在縣南七十五里以山形如拳手可撮取故名
盧嶼在縣西一十五里

桐嶼在縣東南二十里

九嶼在縣西三十五里

錢嶼在縣南三十五里

龔嶼在縣南四十五里

茶嶼在縣南四十五里

徧嶼在縣南四十五里

杉嶼在縣西南四十五里

洋嶼在縣東南四十五里

關

嶼在縣西南五十里

關

嶼在縣南六十里

蝦蟆嶼在縣南六十里

關

家嶼在縣南六十五里

腰嶼在縣南七十里

建平嶼在縣南七十里

筭嶼在縣南七十里

長嶼在縣東南七十里

羅嶼在縣南七十三里

謝嶼在縣南七十三里

瓦嶼在縣南七十三里

葉家嶼在縣南七十三里

林家嶼在縣南七十五里

金華嶼在縣東南八十里

半嶺在縣南一百里舊志云地甚廣初欲以建州云

五部嶺在縣西一百一十里東連五部村西連樂清孤

田村西北連永嘉鋪嶺東北連蒼山東南連桐嶺
故名五部

戌

關

嶺在縣北一十里為入州通道俗名黃土嶺

關

在縣西八十里按臨海其南二十五里

關

關

在縣東南一百里接樂清

關

嶺在縣東一十五里

關

嶺在縣東一十七里

闕

嶺在縣東二十里

小塘嶺在縣西南二十七里

大塘嶺在縣南三十里

繡嶺在縣南三十里

林和嶺在縣西四十里

胡墓嶺在縣西南八十里

車嶺在縣西一百里

惺惺石在縣北四十里瑞巖山舊傳僧空照披荆榛而

入得一盤石据之宴坐自喚曰主人翁惺惺著後
因以名且立堂曰喚堂

赤城志卷二十

欽定四庫全書

赤城志卷二十一

宋 陳耆卿 撰

山水門三

山

天台

天台山在縣北三里

自神跡
石起

按陶弘景真誥高一萬八

千丈周回八百里山有八重四面如一十道志謂
之頂對三辰或曰當牛女之分上應台宿故曰天

台一曰大小台以石橋大小得名亦號桐栢棲山

登真隱訣云大小台處五縣中央

五縣謂餘姚句章臨海天台剡

縣顧野王輿地志云天台山一名桐栢衆嶽之最

秀者也徐靈府記云天台山與桐栢接而少異神

邕山圖又采浮屠氏說以為閭浮震旦國極東處

或又號靈越孫綽賦所謂托靈越以正基是也按

諸書名稱不同惟天台乃其正號餘亦各有據獨

上應台宿之語雖本道書邈不可攷爾魏夫人傳

云天台山下有祠堂方三里乃司命君府其東南
二門有日月三辰之精光燭洞天抱朴子內篇云
諸山不可煉金丹以其皆有水石之精惟大華少
室縉雲羅浮大小台正神主之可以修鍊審此則
其靈敞詭異出仙入佛為天下偉觀宜哉

孫綽賦序云天台山

者蓋山嶽之神秀也涉海則有方丈蓬萊登陸則
有四明天台皆玄聖之所遊化靈仙之所窟宅夫
其峻極之狀嘉祥之美窮山海之瑰富盡人神之
狀麗矣所以不列於五岳闕載於常典者豈不以
所立冥奧其路幽迥或倒景於重溟或匿峯於千
嶺始經魑魅之途卒踐無人之境舉世莫能登陟

王者莫由禋祀故事絕於常篇名標於奇紀然圖象之興豈虛也哉非夫遺世翫道絕粒茹芝者焉能輕舉而宅之非夫遠寄冥搜篤信通神者何肯遙想而存之余所以馳神運思晝詠宵興俛仰之間若已再升者也方解纓絡永託茲嶺不任吟想之至聊奮藻以散懷太虛遠邈而無閼運自然之妙有融而為川瀆結而為山阜嗟台岳之奇挺寔神明之所扶持蔭牛宿以曜峯託靈越以正基結根彌於華岱直指高於九疑應配天於唐典齊峻極於周詩邈彼絕域幽邃窈窕近者以守見而不之之者以路絕而莫曉哂夏蟲之疑冰整輕翻而思矯理無隱而不彰啓二竒以示兆赤城霞起以建標瀑布飛流以界道觀靈驗而遂徂忽乎吾之將行仍羽人於丹丘尋不死之福庭苟台嶺之可攀亦何羨於層城釋域中之常戀暢超然之高情披毛褐之森森振金策之鈴鈴披荒榛之蒙籠

陟峭嶧之崢嶸濟楫溪而直進落五界而迅征跨
穹窿之懸磴臨萬丈之絕冥踐莓苔之滑石搏壁
立之翠屏攬樛木之長蘿援葛藟之飛莖雖一冒
於垂堂乃永存乎長生必契誠於幽昧履重險而
逾平既克濟於九折路威夷而脩通恣心目之寥
爽任緩步之從容藉萋萋之芳草蔭落落实之長松
覲翔鸞之裔裔聽鳴鳳之嘒嘒過靈溪而一濯疏
煩想於心胷蕩遺塵於旋流發五蓋之遊蒙追羲
農之絕軌躡二老之玄蹤陟降信宿迄於仙都霞
闕雲竦以夾道瓊臺中天而懸居珠閣玲瓏於林
間玉堂陰映於高隅彤雲斐亶以翼樞轅日耀晃
於綺䟽八桂森挺以凌霜五芝含秀而晨敷惠風
佇芳於陽林醴泉涌溜於陰渠建木臧景於千尋
琪樹璀璨而垂珠王喬控鶴以冲天應真飛錫以
躡虛騁神轡之揮霍忽出有而入無於是遊覽既
周體靜心閒害馬以去世事都捐投及皆虛目牛

無全凝思幽巖浩詠長川爾乃義和亭午遊氣高
褰法鼓琅以振響衆香馥以揚烟肆近天宗爰集
通仙挹以玄玉之膏漱以華池之泉散以象外之
說暢以無生之篇悟遣有之不盡覺涉無之有間
泯色空以合跡忽即有而得玄釋二名之同出消
一無於三幅恣語樂以終日等寂默於不言揮萬
象以冥觀兀同體於自然李白送楊山人詩云客
有思天台東行路超忽濤落浙江秋沙明浦陽月
今遊方厭楚昨夢先歸越且盡東燭歡無辭凌晨
發我家小阮賢剖竹赤城邊詩人多見重官燭未
曾然興引登山屐情催泛海船石橋如可度携手
弄雲烟又同友人舟行詩云楚臣傷江楓謝客拾
海月懷沙去瀟湘掛席泛溟渤寒予訪前跡獨往
造窮髮古人不可攀去若浮雲沒願言弄倒景從
此煉真骨華頂窺絕冥蓬壺望超忽不知青春度
但恠綠芳歇空持釣鰲心從此謝魏闕又有天姥

吟留別等詩張祐詩云崔嵬海西鎮靈跡傳萬古
羣峯日來朝累累孫氏祖三茅即拳石二室猶塊
土傍洞窟神仙中巖宅龍虎名從乾取象位與坤
作輔鸞鶴自相羣前人空若瞽巉巉割秋碧媧女
徒巧補視聽出塵埃處高心漸苦纔登招手石肘
底笑天姥仰看華蓋尖赤日雲上午奔雷撼深谷
下見山脚雨迴首望四明矗若城一堵昏晨邈千
態恐動非自主控鵠大夢中坐覺身栩栩東溟子
時月却孕元化毋彭蠡不分杯浙江微辨縷石梁
屹橫架萬紐青壁豎却瞰赤城嶺勢來如刀弩盤
松國清道九里天莫覩穹崇上攢三突兀傍聳五
空崖絕凡路癡立廩與塵邈峻極天門覩深窮地
户金庭路非遠步徙將欲舉身樂道家流崇儒若
一矩行尋白雲叟禮象登峻宇佛窟繚杉嵐仙壇
半榛莽懸巖與飛瀑險噴難足俯海眼三井通洞
門雙闕柱瓊臺下昏側手足前探乳但造不死鄉

前芳何足數僧貫休詩云重疊大古色濛濛花雨
時好峯行恐盡流水語相隨黑壤生紅朮黃猿領
白兒因思石橋月曾與道人期陳恬遊山詩云嵩
陽不得到華頂可徘徊當知吾往處自有一天台

赤城山在縣北六里一名燒山又名消山石皆霞色望
之如雉堞因以為名孫綽賦所謂赤城霞起以建
標是也山之麓有巖極深廣晉義熙初僧曇猷造
寺號中巖齊僧慧明復就塑一佛故又名卧佛上
又有巖二曰結集曰釋籤蓋灌頂湛然遺蹟也西
有玉京洞北有金錢池絕頂有浮屠七級梁岳陽

王妃所建下有曇猷洗腸井大抵皆峭壁不可登
上有仙人井飛流噴沫冬夏不竭支遁天台山銘
序云往天台山當由赤城為道而神邕山圖亦以
此為台山南門石城山為西門徐靈府小錄又以
剡縣金庭觀為北門云

瓊臺雙闕兩山自崇道觀西北行二里至元應真人祠
由真人祠取道仙人蹟經龍潭側凡五里至瓊臺
轉南三里至雙闕皆翠壁萬仞森倚相向孫綽賦

所謂雙闕雲竦以夾道瓊臺中天而危居是也

夏英

公竦銘云瓊臺嵒辟左右如闕直上相等蘿交蔓結啓閉雲氣出入日月千里若綫羣峯如屑凌霄壓海吞吳跨越柳泌題云崖壁盤空大路回白雲行盡到瓊臺洞門黯黯陰宮閉金闕瞳瞳日殿開方干詩云積翠千層一徑開遙盤山腹到瓊臺藕花飄落巖前去桂子流從別洞來石上叢林礙星斗窓邊瀑布走風雷縱云孤鶴無留滯定恐烟蘿不放迴

寒石山在縣西北七十里寒山子嘗居之今呼為寒巖

前有盤石曰宴坐峯上有拊石洞世傳赤城山神

避曇猷徙居此山宴坐西有石如植笋蘿蔓紫綴

其西有石梁可數尺架兩崖間險峻不可陟南有
泉如屋雷寺僧縻竹綆引之前距山腹一里有道
人洞轉西二里亂泉醺流巖竇間散若虬髯因號
龍鬚洞蓋台山絕勝處也臨海記云石室前有立
石參差五色遠望如綬帶舊傳為綬帶山產石髓
石脂絕杪有仙人石棺蛻骨尚存嘗有僧就視脛
骨幾數尺云

寒山詩云重巖我卜居鳥道絕人迹
庭除何所有白雲抱幽石住茲凡幾

年屢見春冬易寄語鐘鼎家虛名定無益又云登陟寒
山道寒山路不窮溪長石磊磊澗闊草濛濛苔滑

非關雨松鳴不假風誰
能超世累共坐白雲中

瀑布山在縣西四十里山有瀑布垂流千丈遙望如布

蓋與福聖觀國清寺二瀑為三其山出奇茗

神異記云

餘姚人虞洪入山採茗遇一道士引三青羊至此
山曰吾丹丘子也聞子善具飲今以茗奉給祈子
他日有甌犧之餘相遺也後
常與家人入山獲大茗焉

覆船山在縣東一十里以狀如覆船故名按神邕山圖

此台山脚也其上夷坦可三十頃中有三泉冬溫
夏冽以其橫據縣東舊呼為東橫側有古淨池云

許渾有宿東橫山瀨詩云孤舟路漸賒時見碧桃花溪雨灘聲急巖風樹勢斜獼猴垂弱蔓鷄鵲睡橫槎漫向山林宿無人識阮家

方瀛山在縣西北二十八里按徐靈府小錄云由桐栢北上一峯可五里許上有平疇餘十畝間以陂池前眺蒼峯後即雲蓋峯也長慶中靈府居此寶厯元年賜今名

蒼山在縣東四十里按神邕山圖云其山凌映桐栢

神邕

以桐栢在天台極東接寧海界即非司馬子微今置觀處絕頂睇滄海以其蒼

蒼接漢故名古經云其山鳴吼必有大風雨

繫船山在縣東四十里地名南洋舊傳古煎鹽處有石盤柱尚存有巨石橫亘云海波沃日舟人常繫纜於此然不可攷

鳳凰山在縣東一十里孫綽賦所謂覲翔鸞之濟濟聽鳴鳳之嚶嚶意即此地也

司馬悔山在縣北一十三里天台山後蓋第十六福地仙人李明治之

闕

山在縣西南一十五里舊以狀類盤龍名龍山唐

天寶中更今名

折山在縣東一十六里以崖崿險折故名中有峯屹立孤秀舊傳王喬控鶴於此

天柱山在縣西九十里南有黃水峯

羅提刑適詩云孤峯插太清天柱此

垂名造化功成後乾坤賴不傾夜星千拱小秋漢一梁橫欲問登臨處重梯四面生

大盆山在縣西一百八十里西接東陽南界仙居以遙

望形如覆盆故名

鼻山在縣西北一十五里以山形如鼻故名

髻山在縣東四十里以其形如髻故名

土墻山在縣西四十里以形如繚墻故名

峇山在縣西南一十五里

甌山在縣西三十里

檐山在縣西南三十五里

松山在縣東南四十里

招賢山在縣東四十五里

焦山在縣西南六十里

雷馬山在縣西九十里

華頂峯在縣東北六十里蓋天台第八重最高處舊傳

高一萬丈少晴多晦夏有積雪可觀日之出入中

有黃金洞絕頂東望滄海彌漫無際俗號望海尖

下瞰衆山如龍虎蟠踞旗鼓布列

闕

草木薰郁

殆非人世僧智顗與司馬承禎嘗宴坐修真焉

孫綽賦所謂陟降信宿迄乎仙都是也有葛元丹

井王羲之墨池

李紳題云欲向仙峯煉九丹獨瞻華頂禮真壇石標琪水凌天碧水

掛銀河映日寒天外鶴聲隨絳節洞中雲氣
隱琅玕浮生未有從師路空誦仙經想羽翰

玉霄峯在縣北三十五里洞天宮上重崖疊障松竹蔥

蒨且產香茅世號小桐栢焉

茅惟宮後者佳地不
踰丈山中道士多秘

惜之皮日休寄題云青冥向上玉霄峯元始先生
戴紫蓉曉案瓊文光洞壑夜壇香氣惹杉松聞迎
仙客來為鶴靜嘒靈符去是龍子細捫心無偃骨
欲如師去肯相容陸龜蒙詩云天台一萬八千丈
師在浮雲端掩扉求夜祗知星斗大深秋猶見海
山微風前幾降青毛節雪後應披白羽衣南望烟
霞空再拜欲將
飛魄問靈威

五峯在縣北一十里國清寺側其峯有五正北曰八桂

東北曰靈禽東南曰祥雲西南曰靈芝西北曰映

霞前有雙澗合流南注大溪舊志云號天下四絕

之一

按九域志以齊州靈巖潤州棲霞荊州玉泉并國清為四絕而神邕山圖又有益州定慧

寺初無四絕之名姑存之

九峯在縣西北一十五里其峯有九按徐靈府小錄瀑

布寺有峯山蓋台山支翰名九壘唐天寶

闕

年改

今名王羲之與支道林嘗登焉

水塏西峯在縣北二十里僧普岸棲止處

紫凝峯在縣西南二十五里無相院側舊傳僧智顓誦經感紫雲之異故名蓋與瑞龍天柱香爐應澤四峯相望均為勝槩

大靄峯在縣北二十九里大慈寺主山有蜜蜂洞在其東焉

九折峯在縣東北三十里僧智顓宴坐立道場處孫綽賦所謂既克濟於九折路威夷而脩通是也

蓮華峯在縣西北三十五里以狀如蓮華故名

通元峯在縣北五十里僧德韶嘗卓庵焉

栢香峯在縣北六十里以多栢木故名四望陰崖垂磴

萬仞

列秀峯在縣西北六十里萬年寺西

蘆峯在縣西七十里舊傳葛元嘗植蘆於此下有蘆洋

蘆坑

明巖在縣西北七十里舊名暗巖周顯德中更今名巖

前峭壁屹立亦號幽石其下竅穴透邃日光穿漏
中有僧全宰棲真洞轉北數步怪石森然上有兩
峯倒側號合掌巖西有泉蔽崖而下渙若垂箔寺
僧用竹綆引之從高下墜號曰水索由其北捫蘿
而下至重巖盤石品列即三隱嘯詠之地常有光
如月號石月寒山子詩所謂重巖我卜居鳥道絕
人跡是也寺東有響巖或云叩之聲鏗然

白郎巖在縣西北三十里齊僧普遼自遼東憇此有神

號江白郎告曰此吾所居以師有德業推以相奉
故建寺號白巖唐長慶四年令白餘豐首禱雨焉
時有異物似龍自穴而出至寶厯初有令丹禱亦
然

前進士王
展為之記

百丈巖在縣西北二十五里崇道觀西北與瓊臺相望
峭險束隘四山墻立下為龍湫翠蔓蒙絡水流聲
淙然盤澗繞麓入為靈溪

獅子巖在縣東四十里繫船山北口呀然如獅子故名

下臨小溪險峻不可陟特可仰視有石棺石櫃石
爐之屬東望有小亭翼然即龍祠

翠屏巖在縣南二十五里孫綽賦所謂搏壁立之翠屏
者是也

曹家巖在縣西三里

龜巖在縣南五里闡法寺側

寶陀巖在縣北二十里

捨身巖在縣北五十里石橋庵側

赤巖在縣西七十里

顧儒嶺在縣東南一十五里按輿地志舊名東岬

魚浪反

有齊顧歡讀書堂後人因以為名今嶺旁有歡溪
歡塿且有顧姓居之或其苗裔也

大小石鎖巖在縣西北一十五里福聖觀西盤摺峭峻
八柱嶺在縣北五十里按地理記云天台山有八柱巖
孫綽賦所謂八柱森挺以凌霜是也

察嶺在縣西二十里與金地嶺接蓋漢高察所隱之處

舊有讀書堂今不存

金地嶺在縣西二十里金錢池側一名佛隴峯

見傳燈錄

銀地嶺在縣北三十里即定光所示智顓處

見傳燈錄

杜潭嶺在縣南二十五里與臨海分界

黃振嶺在縣東南四十里與臨海分界

關嶺在縣西北四十里與新昌分界

筋竹嶺在縣東四十五里與寧海分界

伏虎嶺在縣西一十五里

白水嶺在縣西北二十里

黃壇嶺在縣南三十里

斜嶺在縣西四十里

石壁嶺在縣西四十五里

羅公嶺在縣北五十五里

盤耒嶺在縣南六十里

鎗旗嶺在縣西七十里

梅支嶺在縣東八十里

摘星嶺在縣北一百里

玉京洞在縣北七里赤城山右蓋第六洞天茅司命所
治或號太上玉清天或號玉真清平天或號上清
玉平天按道書云天尊在元都玉京山說法令衆
仙居此又會稽記云赤城山有玉室璿臺許邁嘗
居之因與王羲之書云自天台山至臨海多有金
臺玉室仙人芝草赤城事實又載晉栢碩因馳獵
深入見其中有名花異草香氣不凡又徐靈府小

錄云其下別有洞臺方二百里魏夫人所治南馳
縉雲北接四明東距溟渤西通剡川中有日月三
辰瑤花芝草自晉宋梁隋暨唐天寶嘗望秩焉國
朝咸平天聖中投金龍玉簡頃歲為人竊去今堙
塞不全矣側有道人洞其中二石穴險不可躋

余與

詩云羽駕歸來洞已扃洞門深鎖讀殘經瓊臺一
覺仙都夢不覺松根長茯苓半山松栢散天聲芝
蓋當年憇赤城我是上皇芸閣吏玉京應有舊題
名東臨滄海宴羣仙悞入桃源小洞天一局殘碁
消幾刻老龍
鬚甲已蒼然

劉阮洞在縣西北二十里先是漢永平中有劉晨阮肇入山採藥失道見桃實食之覺身輕行數里至溪澦有二女方笄笑迎以歸留半載謝去至家子孫

已七世矣

見續齊諧記

國朝景祐中僧明照亦因採藥

見金橋跨水有二女戲水上恍然如故事焉乃疏鑿為亭植桃紛擁令鄭至道為即景物之勝隨處

命名時人爭為賦詩今舊觀湮沒惟亭存

鄭記云劉阮洞

其傳久矣余竊邑於此訪於故老往往不知其所在此按圖得之以詢護國寺僧介豐乃曰洞居寺

之東北二里斜行山谷隱於榛莽間人迹罕及景祐中先師明照大師嘗採藥見金橋跨水光彩眩目二女未笄戲於水上如劉阮所見此水仙之洞府也元祐二年春廼鑿山開道立亭於其上環亭夾道植桃數百本所以追遺迹續故事也越明年三月十日丁丑寺僧報桃花盛開并以其景物之盛求名焉余率縣尉縉雲郭儀彥文監征開封曹求得之來遊而黃巖縣主簿西安王沔之彥楚與其弟宣德郎知金華縣事漢之彥昭繼至乃相與幅巾杖藜徜徉行歌沿澗而上觀淶波之漣漪聽寒音之潺湲微風過之餘韻清遠飄飄然猶鏘佩環而朝玉闕也遂名之曰鳴玉澗澗之東有塢植桃數畦花光射日落英繽紛點綴芳草流紅縹緲隨水而下此昔人食桃輕舉之地也遂名之曰桃花塢自塢以北行數百步攢峯疊翠左右迴擁中有澗流隨山曲折而遊人之道從之及水窮而道

盡則有潭清澈淵澄可鑒毛髮羣山倒影浮碧搖蕩中有洞門潛通山底其深不測雖湔霖暴注而不盈大旱焦山而不涸此寺僧見金橋之地也遂名之曰金橋潭潭之南許水淺見沙中有盤石三不沒者數寸可坐以飲自上流盃盤隨流蕩漾必經三石之間俯而掇之如在几案此羣仙會飲之地也遂名之曰會仙石據石之端仰而視之三峯鼎峙峻極雲漢寒光襲人虛碧相映危崖蕩花紅雨散亂其東峯則孤危峭拔儀狀奇偉上有雙石如綰鬟髻遂名之曰雙女峯其西峯則壁立千尋上連巨嶽朝陽方升先得清照遂名之曰迎陽峯其中峯則居中處焉以雙女迎陽為之輔翼羣山之翠合而有之遂名之曰合翠峯三峯之間林麓踈廣草石瑰異左連瓊臺雙闕之山右接石橋合洲之水採芝茹木擷翠佩芳杖屨輕而白雲蘭笑語高而山谷應脩然而往直欲跨雙鳧御清風逍

遙乎不死之鄉而不知塵境之卑蹙涉世之有累也遂名之曰迷仙塢自塢以出至於迎陽峯之下有石偃於山腹廣袤數丈寺僧因石址結亭於其上畫棟雕楹翬飛鳥革前臨清泚瓦影浮動魚跳圓波光弄樽俎浮盃之迹顧指在目遂名之曰浮盃亭是日也天氣清明東風和暢巖端過雨踈雲留日余與諸君攜茵席挈壺觴上登崔嵬下弄清淺流觴藉草惟興所適山穀野藪具於臨時膾靈溪之鱗始金庭之蕨無備具之勞也掛衣長松落帽幽石帶幘則披衣履倦則跣足解巾漉酒玉山自頽無衣冠之束也意所欲飲命樽注之一引而盡量窮則止無鍾鼓之節也酒酣浩歌聲振林木音無宮商唯意所發樵夫牧廝為之捫高崖履危石荷柯倚策而視之彼鳥知其非劉氏之子阮氏之孫厭洞府之未廣而復為山間之遊乎既而夕陽西傾暮烟四塞洞天景恍若失之於是尋雲

路騁歸驂松月照人金影破碎遙聞鷄犬乃悟人間諸君皆懷然而驚相顧而語疑夫陵谷之更變而子孫之遷易也時郭彥文立馬謂余言曰數千百年湮沒之迹自公發之今日勝遊之樂可無文以紀之乎余病夫山水清而文辭俗景物富而才思窮不能盡洞中之幽趣固辭而不獲免乃書其所見之實以塞來命若夫寫難名之象發不盡之意則諸君之新辭雅詠在焉非余所能道也元稹題劉阮妻二首云仙洞千年一度開等閒偷入又偷回桃花飛盡秋風起何處消沉去不來芙蓉脂肉綠雲鬟盡樓臺青黛山千樹桃花萬年藥不知何事憶人間曹唐題云樹入天台石路新雲和草淨迥無塵烟霞不省生前事水木空疑夢後身往往鷄鳴巖下月時時犬吠洞中春不知此地歸何處須就桃源問主人晁公為題云桃花開已繁溪水澌澌去不見持盃人自嘆來何暮

丹霞小洞在縣西北一十五里福聖觀東北舊傳葛元鍊丹於此有仙人拍手巖唐刺史柳泌於此修藥今天台觀其所止也

石橋在縣北五十里即五百應真之境相傳為方廣寺有石梁架兩崖間龍形龜背廣不盈咫其上雙澗合流洩為瀑布西流出剡中梁既峭危且多莓苔甚滑下臨絕澗過者目眩心悸昔僧曇猷欲度梁訪方廣忽有石如屏梗之舊號蒸餅峯孫綽賦所

謂踐莓苔之滑石搏壁立之翠屏是也凡往來人
供茗乳花效應或寶炬金雀靈蹤梵響接於見聞
石罅有木瓜尤異華時青蛇盤糾枝幹至實落供

大士乃去人目為護聖瓜

夏英公竦銘云山壤厭靈融結推功穹隆石梁

飛雲架空垂流下激絕岸旁通烟華溟濛矯矯翔
龍朝日瞳矓蜿蜿騰虹願接天孫以助登封趙清
獻并詩云曉登山閣一爐香瞻企神僧謁上方人
度石橋何所畏如來元是世津梁楊蟠詩云金
毫五百幾龍尊隱隱香山聖迹存方廣寺開無俗
路優曇花現有靈根一峯穴岸臨天壁闕澗淙橋
透石門今日不將心洗盡更從何處覓真源孫
何詩云六月巖崖似九秋興公辭賦好淹留杉松

迤邐連華頂鐘磬依稀近沃洲枕水古碑卿相撰
拂雲新利帝皇修高僧盡解飛金錫誰是當年白
道猷姚萼詩云萬派鏗鐫走電車跨巖蚬螺玉
虹斜靈禽飛下傳消息五百甌中結茗花趙湘
詩云白石峯猶在橫橋一徑微多年無客過落日
有雲歸水淨苔生髮山寒樹著衣如何方廣寺千
人去
古稀

斷橋在縣北七十里自石橋沿澗行可十五里至此一

石中斷因以為名即所謂小橋是也舊傳羅漢所
居之境下臨危澗亂石碁布行者十步九跌雖邑
人亦罕至云

坐禪石在慈雲寺東舊傳有壽禪師者宴坐於此

鷄籠石在縣東南八里

拋陀石在縣西一十五里

赤城志卷二十一